



**MINISTÉRIU NEGÓSIUS
ESTRANJEIRUS NO KOOPERASAUN**

VIII GOVERNUN KONSTITUSIONAL

S.E. Ministru interinu Negósius Estranjeirus no Kooperasaun,
Agio Pereira

Konvidadu Onra nian iha okaziaun
Aniversáriu Fundasaun Repúblika Populár Xina nian da-70

Loron 26 fulan-setembru tinan 2019



MINISTÉRIU NEGÓSIUS ESTRANJEIRUS NO KOOPERASAUN

VIII GOVERNUN KONSTITUSIONAL

Exelénsia

Embaixadór Repúblika Populár Xina nian iha Dili, Sr. Xiao Jianguo

Exelénsia sira

Membru Parlamentu no Membru Governu

Exelénsia sira

Embaixadór, Xefe Misaun no Membru sira Korpu Diplomátiku

Señora no Señor sira,

Ilustre konvidadu sira

Ha'u sente haksolok tanba bele hamutuk ho ita-boot, Embaixadór Xiao Jianguo no ho comunidade xineza iha Timor-Leste, hodi selebra Aniversáriu Fundasaun Repúblika Populár Xina nian da-70.

Lori Governu Timor-Leste nia naran, ha'u mós hakarak hato'o ami-nia parabéns ba Governu Repúblika Populár Xina no louva konkista no dezenvolvimentu boot hirak ne'ebé alkansa tiha ona.

Repúblika Populár Xina nu'udar Timor-Leste nia belun di'ak ida. Ita iha istória ida ne'ebé ita partilla no ita-nia povu rua ne'e aprende moris hanesan maun alin.

Ho espírito ida ne'ebé bazeia ba prinsípiu respeita malu, igualdade no iha benefísiu ba malu, Timor-Leste no Xina iha relasaun bilaterál ida ne'ebé di'ak tebetebes, ne'ebé inklui tema lubuk boot ida kona-ba polítika, ekonomia, komérsiu, edukasaun no kultura, defeza no seguransa, nune'e mós iha nivel relasaun no amizade entre povu rua ne'e.

Iha okaziaun espesiál ida-ne'e, ha'u hakarak hato'o Governu Timor-Leste nia apresiasaun relasiona ho kooperasaun Xina nian iha setór edukasaun. Kooperasaun ne'e kontribui ona ba kualifikasaun téknika no sientífika ida ne'ebé boot liután ba joven timoroan sira, hodi aselera dezenvolvimentu sosiál no ekonómiku nasaun nian.

Bolsa-estudu ba estudante timoroan sira hodi estuda iha universidade sira iha Xina no interkámbiu akadémiku no sientífiku hotu-hotu ne'ebé universidade sira iha nasaun rua ne'e promove, hetan valorizasaun maka'as hosi ami-nia joven sira, profesór sira no liuliu husi ami-nia família timoroan sira.

Señór no Señora sira,

Ilustre konvidadu sira,



MINISTÉRIU NEGÓSIUS ESTRANJEIRUS NO KOOPERASAUN

VIII GOVERNUN KONSTITUSIONAL

Ha'u aproveita biban ida-ne'e hodi destaka empreza no sidadaun xineza sira ninia kontributu ba dezenvolvimentu nasional Timor-Leste nian, liuhosi ezekusaun kontratu Estadu nian sira ba dezenvolvimentu. Ha'u hakarak destaka mós kriaun negósiu sira no komérsiu, ne'ebé loke serbisu no kontribui ba ekonomia, liuhosi kooperasaun ekonómika no téknika no liuhosi dezenvolvimentu setór privadu nian.

Relasaun bilaterál entre Timor-Leste no Xina forte tebes no iha potenciál atu aumenta liután kooperasaun ne'e iha área sira hanesan investimentu, petróleu, agrikultura no peskas.

Iha ámbitu iniciativa "Belt and Road", dezenvolvimentu hosi projetu lubuk ida ne'ebé daudaun ne'e empreza xineza sira harii hela, fó benefísiu ba Timor-Leste no hadi'a populasau nian moris.

Xina sai hanesan parseiru ida-ne'ebé Timor-Leste respeita no nu'udar belun di'ak no ami garante katak Timor-Leste hakarak kontinua partisipa iha Projetu Belt and Road, hodi hametin relasaun sira no hodi serbisu ho Xina ba dezenvolvimentu kooperasaun bilaterál nian.

**Señora no Señor sira,
Ilustre konvidadu sira**

Atu hakotu, ha'u hakarak agradese ba sua Exelénsia, Embaixador Repúblika Populár Xina nian iha Dili, Sr. Xiao Jianguo, tanba hakarak partilla ho ami tempu selebrasaun nian ida-ne'e, tanba ne'e ha'u konvida ita-boot no imi-hotu atu mai hemu hamutuk hodi komemora Aniversáriu Fundasaun Repúblika Populár Xina nian da-70, hodi husu boot atu Repúblika Populár Xina vida naruk no hetan moris di'ak.

Obrigadu ba imi hotu nia atensaun

REMATA